

Protokol para sa mga Sertipikadong Pamilihan ng Magsasaka (Certified Farmer's Markets)

Kamakailang mga Pagbabago: (Mga pagbabago ay naka-highlight ng dilaw)

12/9/20:

- Ang pinakamaraming pag-okupa (maximum occupancy) sa mga sertipikadong pamilihan ng magsasaka (certified farmer's market) ay limitado sa 35% ng pinakamaraming pag-okupa batay sa nalalapat na pag-okupa ng gusali o fire code.
- Ang mga empleyado at bisita ay dapat na iiskrin (screened) kung sila ay kasalukuyang sumasailalim sa mga utos ng pagbubukod o pag-quarantine bago pumasok ng pamilihan.
- Ang mga empleyado ay dapat na kumain o uminom tuwing panandaliang pahinga lamang sa trabaho (work breaks) at sa mga itinalagang lugar sa panandaliang pahinga lamang, mas mainam kung nasa labas (outdoors). Habang kumakain at/o uminom, ang mga empleyado ay dapat na magpanatili ng pisikal na pagdistansya ng hindi bababa sa 6 na talampakang layo mula sa lahat ng iba pang mga indibidwal.
- Ang mga tagapagtinda ng pagkain (food vendors) ay maaaring bukas lamang para sa take-out at paghahatid (delivery) lamang.

Ang protokol na ito ay binuo upang pahintulutan ang mga Sertipikadong Pamilihan ng Magsasaka (Certified Farmer's Markets o Market) na pinatunayan ng Estado ng California, at pinapatakbo alinsunod sa mga kinakailangan ng Kagawaran ng Pagkain at Agrikultura ng California (California Department of Food and Agriculture) at mga kinakailangan na binalangkas sa Code ng Tingiang Pagkain ng California (Certified Retail Food Code o CRFC), na tumakbo kapag nakakasunod sa mga protokol na ito ng Kagawaran ng Pampublikong Kalusugan ng Los Angeles County (Public Health o DPH).

Ang mga Sertipikadong Pamilihan ng Magsasaka ay maaaring magpahintulot sa pansamantalang mga pasilidad ng pagkain (food booths) na tumakbo bilang isang hiwalay na kaganapan pangkomunidad na katabi sa, at kasabay, ng Sertipikadong Pamilihan ng Magsasaka alinsunod sa mga kinakailangan na binalangkas sa CRFC.

Ang Sertipikadong Pamilihan ng Magsasaka ("Market") at ang katabing kaganapang pangkomunidad ay dapat na pangasiwaan ng awtorisadong Tagapamahala ng Merkado (Market Manager) na siyang namamahala sa lugar, na siyang umaako ng responsibilidad para sa patuloy na pagsasanay at pagsusuri (screening) ng lahat ng empleyado, probisyon sa lahat ng kailangang kagamitan at materyales ng mga karaniwang lugar sa loob ng merkado, pagsusubaybay sa pagsunod sa lahat ng mga hakbang pangkaligtasan at pagkuha ng pag-apruba mula sa DPH, lokal na pagsosona (local zoning) at mga opisyal ng lungsod, tulad ng inaatas. Bisitahin ang <http://publichealth.lacounty.gov/eh/DSE/CommunityEvent.htm> upang mag-apply para sa isang pahintulot ng public health na magpatakbo ng isang food booth sa isang aprubado at pinahihintulang Sertipikadong Pamilihan ng Magsasaka.

Tandaan na dahil sa mga panganib na nauugnay sa transmisyong COVID-19, ang Sertipikadong Pamilihan ng Magsasaka ay dapat na limitahan sa mga nagtitinda lamang. Ang anumang uri ng paglilibang (entertainment) na naghikayat sa mga dumadalo na magtipon-tipon, kabilang, ngunit hindi limitado sa musikal, sayaw o teatrikong pagganap, entertainment sa mga bata, o mga pagtatanghal ng kagalingan (craft demonstrations), ay hindi pinahihintulutan.

Mangyaring tandaan: Maaaring baguhin ang dokumentong ito habang may karagdagang impormasyon at mga mapagkukunan (resources) kung kaya't regular na tingnan ang website ng LA County <http://www.ph.lacounty.gov/media/Coronavirus/> para sa anumang mga pagbabago sa dokumentong ito.

Ang listahan na ito ay sinasaklaw ang:

- (1) Mga patakaran at kasanayan sa lugar ng trabaho para protektahan ang kalusugan ng empleyado
- (2) Mga hakbang para masiguro ang pisikal na pagdistansya
- (3) Mga hakbang para masiguro ang pagkontrol ng impeksyon
- (4) Komunikasyon sa mga empleyado at publiko
- (5) Mga hakbang para masiguro ang pantay-pantay na akses sa mga kritikal na serbisyo

Ang limang pangunahin na aspetong ito ay dapat na matugunan habang binubuo mo ang mga plano para mag-host ng isang Sertipikadong Pamilihan ng Magsasaka.

Ang lahat ng mga Sertipikadong Pamilihan ng Magsasaka na sakop ng patnubay na ito ay dapat na ipatupad ang lahat ng mga naaangkop na hakbang na nakalista sa ibaba at maging handa na ipaliwanag kung bakit ang anumang hakbang na hindi ipinatupad ay hindi naaangkop sa negosyo. Ang mga Tagapamahala ng Merkado ay dapat na magbahagi ng isang kopya ng protokol na ito sa lahat ng mga tagapagtinda (vendors) para matiyak ang pagsunod sa lahat ng mga protokol.

Sertipikadong Pamilihan ng
Magsasaka:

Address:

Pinakamaraming pag-okupa, kada
Fire Code:

Pinakamaraming Pag-okupa, batay
sa 35% pag-okupa

Tinatayang kabuuan sa
talampakang kuwadrado ng
espasyo na bukas sa publiko:

A. MGA PATAKARAN AT KASANAYAN SA LUGAR NG TRABAHO UPANG MAPROTEKTAHAN ANG KALUSUGAN NG EMPLEYADO (I-CHECK ANG LAHAT NA NALALAPAT SA PASILIDAD)

- Ang lahat ng empleyado (kabilang ang mga empleyado o boluntaryo na nagtatrabaho sa ngalan ng Tagapamahala ng Merkado at mga nagtatrabaho para sa mga tagapagtinda sa puwesto [booth vendors]) ay binigyan ng kopya ng protokol na ito.
- Ang mga bulnerableng empleyado (mga taong higit sa 65 ang edad, mga taong may malubhang kondisyon sa kalusugan) ay bibigyan ng trabaho na maaaring gawin sa bahay hangga't maaari o limitahin ang kanilang pakikisalamuha sa ibang mga tao sa Pamilihan.
- Ang lahat ng mga empleyado (kabilang ang mga boluntaryo at nagtitinda, sama-samang tinatawag na "mga empleyado") ay sinabihan na huwag pumasok sa Pamilihan kung may sakit, o kung sila ay nalantad sa isang tao na may COVID-19. Naiintindihan ng mga empleyado na sumunod sa patnubay

ng DPH para sa sariling pagbubukod at pag-quarantine, kung naaangkop. Ang mga patakaran para sa bakasyon sa trabaho ay sinuri at binago na para masiguro na ang mga empleyado ay hindi paparusahan kapag sila ay nanatili sa bahay dahil sa sakit.

- Ang mga empleyado ay pinagkakalooban ng impormasyon sa mga benepisyong bakasyon na itinaguyod ng amo/employer o gobyerno na maaaring makuha ng empleyado para makatulong sa pinansyal habang nanatili sa bahay. Tingnan ang karagdagang impormasyon sa [mga programa](#) ng gobyerno na sumusuporta sa bakasyon dahil sa pagkakasakit at kompensasyon ng manggagawa para sa COVID19, kabilang ang mga karapatan ng empleyado sa mga bakasyon dahil sa pagkakasakit sa ilalim ng [Families First Coronavirus Response Act](#), at mga karapatan ng empleyado sa mga benepisyong kompensasyon ng manggagawa at pagpapalagay ng pagiging may kaugnayan sa trabaho ng mga pagkakalantad sa COVID-19 na naganap sa pagitan ng Marso 19 at Hulyo 5 alinsunod sa [Executive Order N-62-20](#) ng Gobernador
- ❑ Ang [mga pag-iiskrin](#) (screenings) sa lahat ng mga nagtitinda at empleyado ay isinagawa bago makapasok sa Pamilihan. Ang mga pagsusuri ay dapat isama ang pagtanong tungkol sa ubo, pangangapos ng hininga, kahirapan sa paghinga, at lagnat o panggiginaw, at kung ang empleyado **ay kasalukuyang sumasailalim sa mga utos ng pagbubukod o pag-quarantine**. Ang mga pagsusuring ito ay maaaring gawin ng malayuan (remotely) o personal sa pagdating ng empleyado o nagtitinda. Isang pagsusuri sa temperatura ay dapat din gawin sa lugar ng trabaho kung magagawa.
- ❑ Sa oras na napagbigay-alam na ang isa o higit pang mga nagtitinda o empleyado ay nasuring positibo para sa, o may mga sintomas na patuloy na tumutugma sa COVID-19 (kaso), ang Tagapamahala ng Merkado ay may plano o protokol na isasaayos upang ang (mga) kaso ay maibukod ang kanilang mga sarili sa bahay at mangangailangan ng agarang pag-quarantine sa sarili (self-quarantine) ang lahat ng mga empleyado na nagkaroon ng pagkakalantad sa (mga) kaso sa lugar ng pagtatrabaho. Ang plano ng amo o employer ay dapat na isaalang-alang ang isang protokol para sa lahat ng mga empleyado na naka-quarantine na magkaroon ng akses sa o masuri para sa COVID-19 upang matukoy kung mayroon pang karagdagang mga pagkakalantad sa lugar ng trabaho, na maaaring kailanganin ng karagdagang mga hakbang sa pagkontrol ng COVID-19. Dapat na kasama rin sa plano kung paano matutunton ang iba pang mga nagtitinda kung mayroong isang pagkakalantad. Tingnan ang gabay ng public health sa [pagtugon sa COVID-19 sa lugar ng trabaho](#).
- ❑ Sa kaganapan na 3 o higit pang mga kaso ang natukoy sa loob ng lugar ng trabaho sa tagal na 14 na araw, ang amo o employer ay dapat na iulat ang kumpol na ito sa DPH sa (888) 397-3993 o (213) 240-7821. Kung ang isang kumpol ay kinilala sa lugar ng trabaho, ang DPH ay pasisimulan ang isang pagtugon sa kumpol na kinabibilangan ng pagkakaloob ng gabay at rekomendasyon sa pagkontrol ng impeksyon, suportang teknikal, at mga hakbang sa pagkontrol sa partikular na lugar. Isang tagapamahala sa kaso ng public health ay itatalaga sa imbestigasyon ng kumpol upang tulungan ang pagtugon ng pasilidad.
- ❑ Ang lahat ng mga nagtitinda at empleyado ay inaatasan na magsuot ng isang naaangkop na pantakip sa mukha na tumatakip sa ilong at bibig. Ang pantakip ay dapat na isuot ng nagtitinda at lahat ng empleyado sa lahat ng oras sa araw ng trabaho kapag nakikisalamuha o malamang na makikisalamuha sa ibang mga tao. Ang lahat ng mga empleyado ay dapat na mabigyan ng naaangkop na pantakip sa mukha ng walang gagagastusin. Ang mga nagtitinda at empleyado na inutusan ng kanilang medikal na tagapagbigay (medical provider) na hindi sila dapat magsuot ng isang pantakip ng mukha ay dapat na magsuot ng panangga ng mukha (face shield) na may maluwag na tela (drape) sa ibabang dulo, para sumunod sa mga direktiba ng Estado, hangga't pinahihintulutan ito ng kanilang kondisyon. Isang maluwag na tela na akma (form-fitting) sa ilalim ng baba ay mas mainam. Ang mga maskara (mask) na may mga isang paraan ng balbula (one-way valves) ay hindi dapat gamitin.
- ❑ Ang mga empleyado ay inatasan na labahan o palitan araw-araw ang kanilang mga pantakip ng mukha.
- ❑ **Para matiyak na ang mga maskara (masks) ay isinusuot nang tuloy-tuloy at tama, hindi hinihikayat**

ang mga empleyado na kumain o uminom maliban sa mga oras ng panandaliang pahinga (breaks) kapag nagagawa na nilang tanggalin nang ligtas ang kanilang mga maskara at pisikal na dumistansya mula sa ibang mga tao. Sa lahat ng oras kapag kumakain o umiinom, dapat na magpanatili ang mga empleyado ng hindi bababa sa anim na talampakang distansya mula sa ibang mga tao. Kapag kumakain o umiinom, mas mainam na gawin ito sa labas at malayo sa ibang mga tao, kung maaari. Ang pagkain o pag-inom sa isang kubiko o puwesto ng trabaho ay mas mainam kaysa sa pagkain sa isang silid sa panandaliang pagpapahinga (breakroom) kung ang pagkain sa isang kubiko o puwesto ng trabaho ay nagkakaloob ng higit na distansya mula sa ibang mga tao at mga harang sa pagitan ng mga manggagawa.

- Ang pag-okupa ay binawasan at ang espasyo sa pagitan ng mga empleyado ay sinasagad (maximized) sa anumang silid o lugar na ginamit ng mga empleyado para sa kainan at/o panandaliang pagpapahinga. Ito ay nakamit na sa pamamagitan ng:
 - Pagpapaskil ng pinakamaraming pag-okupa (maximum occupancy) na hindi pabago-bago na may pagpapagana sa hindi bababa sa anim na talampakan sa pagitan ng mga indibidwal sa mga silid o lugar na ginagamit para sa panandaliang pagpapahinga;
 - Halinhinan sa panandaliang pagpapahinga (breaks) o oras ng pagkain para bawasan ang pag-okupa sa mga silid o lugar na ginagamit para sa kainan at panandaliang pagpapahinga; at
 - Paglalagay ng mga mesa na anim na talampakan ang layo at pagtitiyak ng anim na talampakan sa pagitan ng mga upuan, pagtanggap o pagteteyp ng mga upuan para bawasan ang pag-okupa, paglalagay ng mga marka sa mga sahig para tiyakin ang pagdistansya, at pagsasaayos sa pagkakaupo sa paraan na binabawasan ang harapang kontak. Ang paggamit ng mga partiyon ay hinihikayat para lalong mapigilan ang pagkalat ngunit hindi dapat ituring na isang pamalit para sa pagbawas ng pag-okupa at pagpapanatili ng pisikal na pagdistansya.
- Saanman maaari, ang panlabas na mga lugar sa panandaliang pagpapahinga na may mga lilim at upuan ay nilikha para tumulong tiyakin ang pisikal na pagdistansya. Bilang pagsunod sa mga regulasyon ng pasuweldo at oras, ang mga panandaliang pamamahinga ay salitan upang masigurado ang anim (6) na talampakan na paglalayo ng mga empleyado sa silid ng pagpapahinga ay napapanatili sa lahat ng oras.
- Ang lahat ng mga puwesto ng nagtitinda at estasyon ng trabaho na nasa loob ng mga puwesto ng nagtitinda ay pinaghiwalay ng hindi bababa sa anim na talampakan
- Ang mga silid sa panandaliang pamamahinga (break rooms), mga banyo, at iba pang mga lugar na karaniwang may tao ay madalas na dinidisimpekta, sa sumusunod na iskedyul:
 - Mga Silid ng Pagpapahinga _____
 - Mga Banyo _____
 - Iba pa _____
- Ang mga pandisimpekta at iba pang kaugnay na gamit ay magagamit ng mga nagtitinda at empleyado sa mga sumusunod na (mga) lokasyon:

- Ang mga hand sanitizer na epektibo laban sa COVID-19 ay magagamit ng lahat ng mga nagtitinda at empleyado sa mga sumusunod na (mga) lokasyon:

- Ang mga empleyado ay pinapayagan na magkaroon ng madalas na pagtigil sa trabaho para makapaghugas ng kanilang mga kamay.
- Ang bawat manggagawa ay tinalagahan ng kanilang sariling mga kasangkapan, kagamitan, at tinukoy

na puwesto ng trabaho. Kailanman maaari, ang pagsasalo ng mga gamit na hinahawakan (hal., mga telepono, tablet, laptop, mesa, panulat, atbp.) ay nabawasan o inalis na.

- Ang lahat ng patakaran na nakasaad sa checklist na ito maliban sa may kaugnayan sa pagtatakda sa pagtatrabaho ay ipinatutupad sa mga empleyado na naghahatid (delivery) at iba pang kompanya na maaaring nasa lugar bilang mga ikatlong partido (third parties).
- Opsyonal — Isalarawan ang iba pang hakbang:

B. MGA HAKBANG PARA MASIGURO ANG PISIKAL NA PAGDISTANSYA

- Ang Sertipikadong Pamilihan ng Magsasaka ay ginaganap sa labas. Ang pinakamaraming pag-okupa (maximum occupancy) para sa Pamilihan ay limitado sa **35%** ng kapasidad ng panlabas na Pamilihan.
- Dapat na tiyakin ng Tagapamahala ng Merkado na ang espasyong nakalaan sa mga nagtitinda (parehong mga nagtitinda ng pagkain at tingi [retail]) ay nakapaglalaan sa kanila ng sapat na espasyo upang iayos ang mga mesa, kulandong, at iba pang mga gamit alinsunod sa mga naaangkop na kinakailangan ng pisikal na pagdistansya.
- Ang mga tolda (tents) o kulando (canopies) ay maaaring gamitin basta't ang mga tents o canopies ay bukas sa tatlong gilid para pahintulutan ang sapat na bentilasyon. Ang eksepsyon ay para sa mga food booths, batay sa mga kinakailangan na binalangkas sa CRFC.
- Ang pinakamaraming bilang ng mga kostumer sa loob ng Market ay limitado sa: _____
- Isang empleyado (o mga empleyado kung may higit sa isang pasukan) na may suot-suot na naaangkop na pantakip sa mukha ay nakapaskil malapit sa pasukan ngunit hindi bababa sa 6 na talampakan mula sa mga pinakamalapit na kostumer para idirekta ang mga kostumer at subaybayan ang pag-okupa ng Pamilihan.
- Isaalang-alang ang pagpapatupad ng orasang pagpasok (timed entry) o sistema ng reserbasyon (reservation system) para mabawasan ang panganib sa pag-abot ng pinakamaraming bilang. Kung ang Pamilihan ay umabot na sa pinakamaraming bilang, ang mga kostumer ay maaaring payagan na pumila tulad ng inaaprubahan ng mga lokal na code, kung pahihintulutan ng espasyo, ngunit dapat na mapatnubayan upang makapagpanatili ng 6 na talampakang distansya sa pagitan ng isa't isa habang nasa pila.
- Ang teyp (tape) o iba pang mga marka ay tinutukoy ang parehong lugar ng pagsisimula para sa mga kostumer na dumarating sa Pamilihan at 6 na talampakang agwat para sa mga susunod na kostumer na papasok sa pila.
- Ipinatupad ang mga hakbang para masiguro ang pisikal na pagdistansya na hindi bababa sa anim (6) na talampakan sa pagitan ng mga nagtitinda at kostumer.
 - Ang mga pasilyo sa pagitan ng mga hilera ng puwesto (booths) ay sapat ang lapad para mapagkasya ang trapiko sa parehong direksyon, o malinaw na itinalaga bilang isang daanan (one-way) lamang.
 - Ang mga puwesto ay sapat ang laki para pagkasyahin ang higit sa isang kostumer sa puwesto at nakapagpanatili pa rin ng 6 na talampakang pisikal na pagdistansya mula sa isa't isa.
 - Ang mga nagtitinda ay napatnubayan sa pag-aayos ng kanilang mga puwesto para ang kanilang mga empleyado ay makapagpanatili ng 6 na talampakang pisikal na pagdistansya mula sa mga kostumer. Sa mga lugar kung saan ang 6 na talampakang distansya ay hindi posible (hal., sa kahera), ang mga hindi tinatagusang harang tulad ng plexiglass ay nakakabit. Tingnan ang gabay ng pampublikong kalusugan para sa [mga harang](#). Maaaring kabilangan ito ng paggamit ng mga pisikal na partiyon o mga nakikitang tanda (hal., mga marka sa sahiq, tape na may kulay, o mga palatandaan para ipahiwatig kung saan dapat tumayo ang mga

manggagawa at kostumer).

- Ikonsidera na gawing halinhinan ang pagdating ng mga nagtitinda para sa pag-aayos bago ang kaganapan para mapagana ang pisikal na pagdistansya habang dumarating ang mga nagtitinda at makapag-ayos ng kanilang mga pwesto.
- Hinihikayat ang mga nagtitinda na manatili sa kanilang mga pwesto sa oras ng Pamilihan hangga't maaari at para maiwasan ang pagtitipon-tipon kasama ang ibang mga tao.
- Ang mga lugar para sa mga upuan ng publiko (hal., mga upuan, bangko at iba pang pampublikong espasyo) ay tinanggal na para hindi manghikayat sa mga kostumer na magtipon-tipon.

C. MGA HAKBANG PARA SA PAGKONTROL NG IMPEKSYON

- Mga istasyon ay magagamit sa buong Pamilihan para matulungan ang mga kostumer na maakses ang wastong mga produkto sa kalinisan, kabilang ang hand sanitizer na may nilalaman na hindi bababa sa 60% alkohol, mga tisyu at basurahan.
- Ang mga sistema ng pagbayad na walang kontak ay naisaayos na, at kung hindi magagawa, ang mga sistema ng pagabayad ay regular na nililinis. Ilarawan:

 - Ang mga pangkaraniwang lugar at mga bagay na madalas na mahawakan (hal., mga hawakan sa pasilyo, mga doorknobs o mga hawakan, mga mambabasa ng credit cards, atbp.) ay dini-disimpekta ng regular sa mga oras ng Pamilihan gamit ang mga pandisimpekta na aprubado ng EPA na sumusunod sa mga tagubilin ng tagagawa para sa paggamit.
 - Ang mga panlabas na banyo at mga istasyon sa paghuhugas ng kamay ay ipinagkaloob na may mga sabong pang-kamay, mga tuwalyang papel, at mga hindi hinahawakang basurahan. Regular na nililinis at dinidisimpekta ang mga panlabas na banyo gamit ang mga pandisimpekta na aprubado ng EPA at sinusunod ang mga tagubilin ng tagagawa para sa paggamit, sa sumusunod na iskedyul:

- Ang mga pampublikong inuman na bukal ng tubig (water fountains) ay nakapatay at may mga karatula na nagbibigay-alam sa mga kostumer na hindi sila magagamit.
- Ang mga kostumer ay sinasabihan na dapat silang magsuot ng telang pantakip sa mukha sa lahat ng oras habang nasa Pamilihan. Maaaring tanggalin pansamantala ng mga kostumer ang kanilang mga pantakip ng mukha habang kumakain at umiinom sa itinalagang lugar sa panlabas na kainan. Para suportahan ang kaligtasan ng iyong mga empleyado at iba pang mga kostumer, dapat na may magagamit na pantakip sa mukha ang mga kostumer na dumarating na wala nito.
- Ang mga pagsusuri sa sintomas (symptom checks) ay isinasagawa bago pumasok ang mga kostumer sa Pamilihan. Dapat na isama sa pagsusuri ay ang pagtatanong (check-in) tungkol sa ubo, pangangapos ng hininga, kahirapan sa paghinga, at lagnat o panggiginaw **at kung ang indibidwal ay kasalukuyang sumasailalim sa mga utos ng pagbubukod o pag-quarantine.** Ang mga pagsusuring ito ay maaaring gawin nang personal o sa pamamagitan ng mga alternatibong pamamaraan tulad ng mga sistema ng on-line check-in o sa pamamagitan ng [mga karatula](#) na nakapaskil sa pasukan ng pasilidad na nagsasaad na hindi dapat pumasok sa mga nasasakupang lugar ang mga bisita na may ganitong mga sintomas.
- Ang mga kostumer na dumarating sa Pamilihan na may mga batang kasama ay dapat na siguruhin na ang kanilang mga anak ay nasa tabi ng magulang, umiiwas sa paghawak sa sinumang tao o anumang bagay na hindi nila pag-aari, at nakatakip ang mukha kung tama na ang edad.
- Ang lahat ng mga pampublikong bagay na self-service (tulad ng mga plastik na supot, atbp.) ay tinanggal na, at ipinagkakaloob sa kahilingan ng nagtitinda.

- Ang mga kostumer ay mayroong madaliang akses sa wastong mga produkto sa kalinisan, kabilang ang hand sanitizer, mga tisyu at basurahan sa mga karaniwang lugar sa buong Pamilihan. Ang mga booth nagtitinda ay nagkaloob ng istasyon ng hand sanitizer sa kanilang booth kung pinahihintulutan nilang hawakan ng mga kostumer ang kanilang mga produkto.
- Ang mga lugar na palaruan ng mga bata, mga lugar ng aktibidad o iba pang mga kagamitan (hal., mga pambakasyong larawan) ay hindi pinahihintulutan.
- Ang mga libangan sa anumang uri ay hindi pinahihintulutan.
- Opsyonal-Ilarawan ang iba pang mga hakbang (hal. nagkaloob ng mga oras na para sa mga nakakatanda o senior lamang, naghihikayat ng online na pag-order/pag-pick-up ng mga order, pagbibigay insentibo sa mga panahong matumal ang benta [non-peak sales]):

MGA PAGSASAALANG-ALANG SA KALIGTASAN NG SERBISYO NG PAGKAIN

- Ang lahat ng mga kasanayan at kinakailangan sa kaligtasan ng pagkain na binalangkas sa California Retail Food Code (CRFC) ay sinusunod at napapanatili.
- Ang mga panlabas na lugar ng kainan ay sarado. Ang mga vendor ng pagkain ay maaaring bukas para sa serbisyo ng take-out at paghahatid (delivery). Dapat na sumunod ang mga nagtitinda ng pagkain sa [Mga Protokol para sa Mga Restwran ng DPH](#) at maaari lamang magtinda ng alkohol kapag binili sa parehong transaksyon na tulad ng sa pagkain. Ang publiko ay hindi maaaring komunsumo ng mga pagkain o inumin habang nasa loob ng Pamilihan.
- Linisin at i-sanitize ang mga kubyertos at kagamitan sa kinakailangang dalas na binalangkas sa CRFC.
- Sumunod sa mga kasanayan sa kalusugan at kalinisan ng empleyado: Huwag magtrabaho kapag may sakit; maghugas ng mga kamay ng madalas; gumamit ng mga guwantes tulad ng inaatas sa CRFC.
- Tiyakin na ang lahat ng pagkain at mga sangkap ng pagkain ay mula sa isang aprubadong mapagkukunan ng pagkain.
- Ang mga empleyado sa paghahanda ng pagkain ay hindi hinihikayat na magpalit ng mga istasyon ng trabaho o pumasok sa mga istasyon ng trabaho ng ibang tao sa oras ng mga shift.
- Walang mga hindi nakapaketeng pagtikim (sampling) ng pagkain ang pinahihintulutan.

D. MGA HAKBANG SA KOMUNIKASYON SA PUBLIKO

- Isang kopya ng protokol na ito ay nakapaskil sa lahat ng pampublikong pasukan sa pasilidad.
- Isang karatula ay nakapaskil sa pasukan ng Pamilihan at sa bawat booth na pinaaalalahanan ang mga kostumer na magpanatili ng pisikal na pagdistansya na 6 na talampakan, sa pangangailangan na magsuot ng pantakip sa mukha sa lahat ng oras, sa kahalagahan ng regular na paghuhugas ng kamay, at sa pangangailangan na manatili sa bahay kung may pakiramdam sila ng pagkakasakit o may mga sintomas ng COVID-19.
- Mga karatula ay nakapaskil na nagpapaalala sa mga indibidwal na sila ay hindi pinahihintulutan na kumain o uminom habang nasa Pamilihan.
- Mga karatula sa buong Pamilihan ay nagpapahiwatig sa mga kostumer kung saan makikita ang pinakamalapit na hand sanitizer dispenser.
- Mga karatula at mga tagapagtinda ng produktong inaani (produce ng nagtitinda) na nagpapaalala sa mga kostumer na hugasan ang lahat ng mga produce bago ang pagkonsumo.

- Ang mga online na anunsyo (advertisements) para sa Pamilihan (website, social media, atbp.) ay nagkaloob ng maliwanag na impormasyon tungkol sa mga oras ng operasyon, ang kailangang paggamit ng mga pantakip sa mukha, ang limitadong pag-ookupa, mga patakaran tungkol sa pagpasok, pag-preordering, pag-prepayment, pag-pickup at/o pagdedeliber, at iba pang may kaugnayang mga isyu.

E. MGA HAKBANG PARA MASIGURO ANG PANTAY-PANTAY NA AKSES SA MGA KRITIKAL NA SERBISYO

- Ang mga serbisyo na kritikal sa mga kostumer/kliyente ay binigyang prayoridad.
- Ang mga transaksyon o serbisyo na maaaring ialok ng remotely ay inilipat sa on-line.
- Pinasimulan ang mga hakbang para siguruhin ang akses sa mga paninda at serbisyo para sa mga kostumer na may mga limitasyon sa pagkilos at/o nasa mataas na panganib sa mga pampublikong lugar.

Ang anumang mga karagdagang hakbang na hindi kabilang sa itaas ay dapat na ilista sa mga hiwalay na pahina, na dapat ilakip ng negosyo sa dokumentong ito.

Maaari kayong makipag-ugnayan sa sumusunod na tao para sa anumang mga katanungan o komento tungkol sa protokol na ito:

**Pangalan ng Kontak ng
Negosyo:**

Numero ng telepono:

**Petsa na Huling
Nirebisa:**
